

*circa* quod arithmeticā, & omnia, quæ media dicuntur à quibusdam: quæ quomodo, aut ex quibus principiis sunt, aut cur ista sunt, quæ media illorum, & horum erunt? Item, vñitates, quæ in dualitate sunt, utræque ex aliqua priore dualitate. At hoc impossibile est. Item, cur vnum est, numerus collectus? Item, ad hæc, quæ dicta sunt, si vñitates differentes sunt, oportet ita dicere, sicut quicunque quatuor, aut duo dicunt elementa. Etenim horum singuli non dicunt elementum, quod commune est, utputa corpus, sed ignem, & terram, siue commune quid sit corpus, siue non: nunc autem dicitur, ac si vnum, ita esset (vt ignis, aut aqua) similium partium. Quod si ita sit, numeri non erunt substantiaz. Sed si ipsum vnum aliquid est, & hoc principium est, patet quòd vnum multipliciter dicitur. Alter nanque impossibile est. Volentes autem substantiam referre ad principia, longitudines quidem ex longo, & breui, ponunt ex quodam parvo, & magno: planum verò, ex lato, & stricto: corpus autem, ex alto, & humili. At quomodo aut planum habebit lineam, aut solidum lineam, aut planum? Aliud nanque genus, latum & strictum, altum & humile. Quemadmodum igitur neque numerus est in eis, eo quod multum, & paucum ab his aliud est, ita manifestum est, quòd nec aliud quicquam superiorum inferioribus inerit. At verò nec latum, genus alti est. Etenim corpus, esset planum quid. Item puncta, ex quo insunt: at horum generi aduersabatur Plato tanquam existenti dogmati geometrico: sed nominabat principium linea, hoc verò sapientius ponebat lineas indiscibilis. Atqui necesse est, harum aliquem esse terminum. Quia & ex qua ratione linea est, punctum quoque est. Et simpliciter cum sapientia sit, de manifestis causam querere, hanc quidem prætermisimus: nihil enim de causa dicimus, unde principium transmutationis: substantiam verò eorū dicere putantes, alias substantias esse dicimus. Quomodo verò illæ horum substantiaz, in cassum dicimus, participare manq. (vt prius diximus) nihil est. Nec illæ etiā, quæ sciētiis esse causam videmus: propter quas omnis intellectus, & omnis natura facit, nec vllā causam quam vnam de principiis esse dicimus, ipsæ species attinunt. Sed qui hac ratione sunt, iis mathemata facta sunt philosophia, quanuis dicant aliorum gratia ea oportere tractare.